



DEN NORSKE KYRKJA

Ulstein sokneråd - Ulstein kyrkjelege fellesråd

Protokoll frå møte i Ulstein sokneråd / Ulstein kyrkjelege fellesråd

Tid: 06.03.2024 kl. 19:00

Stad: Kyrkjekontoret

Desse møtte:

| | |
|---------------------------------|-----------------------|
| Odd Arne Vikebakk | Leiar |
| Silje Kiperberg Aksnes | Medlem |
| Linda Hasund | Medlem |
| Cecilie Frantsen Skeide | Medlem |
| Gunn Marthe Veddegjerde Pieroth | Medlem |
| Øyvind Grimstad Hagen | Medlem |
| Berge Myrene | Medlem |
| Ingrid Redse Mjaaseth | Medlem |
| Margit Lovise Holte | geistleg representant |
| Stian Skorgen Skeide | kommunal representant |
| Beate Hopland Langnes | 1. vara |
| Monica Leine Tokheim | 2. vara |
| Christfried Kaul | sekretær |

Forfall:

Beate Hopland Langnes

Sakliste:

| Saksnr | § | Sakstittel | Arkivnummer |
|-----------|---|--|-------------|
| F-2024/06 | | Førebels rekneskap Ulstein sokn 2023 | 133.0 |
| F-2024/07 | | Høyringsuttale endring av prostigrenser | 002.5 |
| S-2024/08 | | Årsmelding 2023 for Ulstein sokn | 046.0 |
| S-2024/09 | | Oppfølging felles møte sokneråd og stab | 3009.0 |
| S-2024/10 | | Val av representantar i utval og kontaktpersonar | 002.3 |
| S-2024/11 | | Salmer på Pub | 333.0 |
| S-2024/12 | | Planlegging av årsmøtet for Ulstein sokn | 012.1 |

Godkjenninger:

Protokoll siste møte: godkjent

Saklista: godkjent

Innkallinga: godkjent

Kommentar: Ved omfattande dokument som på dette møtet bør det vere sidetal / innhaldsoversikt med for å finne lettare fram.

Meldingar:

F004 Etablering namna minnelund og gravfelt for urnegraver på Osnes kyrkjegård

Vedlegg: *Behov for utviding av Osnes kyrkjegård – justert analyse fram mot 2060
Oversendingsframlegg AP - krematorium sak 46-2023*

Som neste steg i arbeid med etablering av namna minnelund / gravfelt for urnegraver på Osnes kyrkjegård er det levert ein oppdatert statusrapport og ei behovsanalyse for gravplasskapasiteten i Ulstein kommune, saman med økonomiske konsekvens ved ei bevisst satsing på å få auka andelen av kremasjon.

Analysen er levert til kommuneadministrasjonen og vil bli brukt både i sak om å finne nytt areal for gravplass, og for skape ei konkret ordning for ei økonomisk likestilling mellom kremasjon med nedsetting av urne og kistegravlegging.

Neste steg i prosessen med namna minnelund er å levere eit konkret prosjekt til godkjenning til Statsforvalteren. Ei skisse for den føreslegne omregulering av ubrukte kistegraver til dette formålet er å finne på dei siste sidene i analysen.

Kommentar:

Det bør utgreiast å opprette urnelund også ved Ulstein kyrkje.

Ein tilrettelagt plass for å legge ned blomster utan at det er knyt til ein reell grav bør vere del av prosjektet namna minnelund.

F005 Godkjenning av rammeavtalen mellom Ulstein kommune og Ulstein sokn

Vedlegg: *Kommunestyrevedtak sak 06-2024 Rammeavtale for 2024-2027*

Ulstein kommunestyret har i sitt møte 08.februar 2024 godkjent rammeavtalen mellom Ulstein kommune og Ulstein sokn for årene reknskapsårene 2024 – 2027. Budsjettet for 2024 som Ulstein kyrkjelege fellesråd har vedteke i sak F-2024-01 bygger på denne avtalen.

Kommentar:

Det trengst å bli jobba med ei budsjettjustering for 2024 for å dekke meirforbruket rekneskapen viser. Vi bør bygge opp eit disposisjonsfond igjen for å ha meir økonomisk handlingsrom i årene som kjem.

Rekneskapen og revidert budsjett bør opp i møtet i mai.

F006 Finansiering av arbeid med ombygging / rehabilitering av våpenhuset i Ulstein kyrkje

Vedlegg: *Oversendingsframlegg sak 17-2024 Formannskapet*

Ulstein kommunestyret skal i sitt neste møte ta stilling til om vi får overført investeringsmidlar kr. 875.000 frå 2026 til 2024 for å kunne auke låneopptaket slik at arbeid kan bli prosjektert og gjennomført. Samla investeringsbeløp for ombygging / rehabilitering vil da vere på kr. 2.025.000 inkl. mva.

Kommentar:

Vi ventar på ei tilråding og avgjerd i kommunestyret 21. mars

S007 Referat frå arbeid i kyrkjemusikkutval

Vedlegg: *referat frå møtet i kyrkjemusikkutval 09.01.2024*

Utvalet er godt i gang med sitt arbeid. Det blir stilt ein del spørsmål kring organisering / finansiering og eigarskap av barnekora og utvalet ønskjer at dette blir tatt opp i soknerådet. Referatet inneheld også eit første utkast til ein fornya plan til kyrkjemusikk i Ulstein sokn.

Kommentar:

Barnekora: Organisasjonstilknytning bør opp til ei sak i sokneråd, etter ein dialog med styret Det er viktig at vi ikkje mister tilgangen til notebank ved val ein tek

Økonomien i barnekora har vore slik at dirigenten har fått honorar / påskjønning frå koret sin økonomi, mens soknet stiller med organist.

Anna musikalsk arbeid: Vi bør styrke kantoren i sin rolle i å ha musikalsk ansvar i kyrkjelyden. Vi bør ta vare på mangfaldet i organisasjonssamarbeid (koble på fleire musikalske bidragsytare i stor bredde (korps kanskje best på våren med tanke på øvingsnivå))

S008 Rapport frå Medarbeiderundersøkelse i Dnk 2023

Vedlegg: *Rapport Medarbeiderundersøkelse 2023 Ulstein sokneråd*

Hausten 2023 vart det gjennomført ei medarbeidarundersøking i einingane i Den norske kyrkja. Ein samla rapporten for heile organisasjonen blei offentleggjort 17. januar 2024.

Lokale rapportar er sendt til overordna leiarane for dei tilsette (kyrkjeverje og prost).

Administrasjonsutvalet i Ulstein kyrkjelege fellesråd har foreslått å bruke bedriftshelsetenesta til å ha ei aktiv rolle når den lokale rapporten blir presentert og jobba med i stabsfellesskapen. Eit første møte fant sted, onsdag 28. januar. Bedriftshelseteneste og prosten var med på møtet.

Kommentar:

Soknerådet skal få ein rapport etter gjennomført gjennomgang, staben held fram i prosessen

Ulsteinvik, den 11.03.2024

| | |
|-------------------|------------------|
| Odd Arne Vikebakk | Christfried Kaul |
| Leiar | Sekretær |

F-SAK 2024/06 Førebels rekneskap Ulstein sokn 2023

UTGREIING

Vedlegg:

Førebels rekneskap 2023 – Drift

Førebels rekneskap 2023 – Investering

Førebels rekneskap 2023 – Balanse

Førebels rekneskap 2023 – Kladd noter

Som ein del av tenesteytingsavtalen med Ulstein kommune fører Ulstein kommune rekneskapen for Ulstein sokn. Rekneskapsavdelinga har sendt ein førebels rekneskap til Ulstein sokn og sendt den vidare til revisjonen også. Ulstein kyrkjelege fellesråd / Ulstein sokneråd skal vedta revidert rekneskap når det ligg føre.

Eit kort samandrag av rekneskapen vil også vere del av årsmeldinga for Ulstein sokn.

Rekneskapen for 2023 viser eit meirforbruk på kr. 490.594.

I tillegg er det ein udekka post i investeringsrekneskapen på kr. 263.234.

Ein stor del av meirforbruket har oppstått på området løn. Det er i all hovudsak dei uventa høge pensjonspremiene som har gjort det umogleg å halde seg innanfor oppsatt lønsbudsjettet.

Det er også brukt meir pengar enn budsjettet på oppussing av kyrjekontoret, som trengte eit løft.

Meirforbruket frå 2023 må dekkjast inn i 2024. Det vil legge stor press på budsjettet i 2024 og inndekking av meirforbruket må innarbeidast i størst mogleg grad i eit revidert budsjett for 2024.

Det er også nokre midlar frå disposisjonsfond som kan brukast, dersom ein ikkje kjem heilt i mål med det, men disposisjonsfond har blitt tappa mykje dei siste åra.

Kommentar: Innspel:

FRAMLEGG TIL VEDTAK

Ulstein kyrkjelege fellesråd tek den førebelse rekneskapen for 2023 til vitande.

HANDSAMING

Det er viktig å få ein sunn økonomi gjennom den nye avtalen. Budsjettet for 2024 treng å bli revidert for å ta igjen meirforbruket frå tidlegare år. Vi treng å bygge opp ein buffer igjen for å ha ein større disposisjonsfond.

VEDTAK

Ulstein kyrkjelege fellesråd tek den førebelse rekneskapen for 2023 til vitande.

F-SAK 2024/7 Høyring revisjon av prostigrenser i Møre bispedøme

UTGREIING

Vedlegg:

HØYRINGSNOTAT revisjon av prostigrenser i Møre bispedøme

Høyringsbrev

Forslag til høyringssvar

Møre bispedømeråd har lagt forslag til revisjon av prostigrenser ut på høyring. Intensjonen er å finne ei god og hensiktsmessig prostiindeling som sikrer godt samarbeid mellom prestelinja og fellesråd. Geografien, ferdselsårene, folketal og fagmiljø er viktige faktorer som påvirker dette.

Det er foreslått 5 ulike modellar for prostiindeling. Dersom ein vil gå for modell 4 eller 5 så vil dette også ha konsekvens for Søre Sunnmøre prosti. Forslaget er å slå alle sokn i Storfjorden (fellesråd for Fjord kommune og Stranda kommune) til Søre Sunnmøre prosti. Søre Sunnmøre prosti ville i så fall dekke eit område frå Vanylven i sørvest til Valldal i nordaust.

FRAMLEGG TIL VEDTAK

Ulstein kyrkjelege fellesråd favoriserer modell 3 der Indre Romsdal prosti og Molde domprosti blir slått saman til eit prosti. Ulstein kyrkjelege fellesråd avgir eit høyringssvar i tråd med dette.

HANDSAMING

Prostigrensene og geografien er krevjande, det er vanskeleg å uttale seg på vegne av andre prosti som er meir berørt.

Viktig at Søre Sunnmøre ikkje bør bli større. Vanskeleg å gjere eit vedtak som har

MOTFRAMLEGG TIL VEDTAK

Ulstein kyrkjelege fellesråd favoriserer modell 1 Ulstein kyrkjelege fellesråd avgir eit høyringssvar i tråd med dette.

RØYSTING

Administrasjonen sitt framlegg fekk 1 røyst

Motframlegget fekk 9 røyster

VEDTAK

Ulstein kyrkjelege fellesråd favoriserer modell 1 Ulstein kyrkjelege fellesråd avgir eit høyringssvar i tråd med dette.

S-SAK 2024/08 Årsmelding 2023 for Ulstein sokn

UTGREIING

Vedlegg:

Første utkast til årsmelding for Ulstein sokn.

Staben i Ulstein sokn har laga eit første utkast til årsmelding for 2023. Det er eit år med mange høgdepunkt vi kan sjå tilbake til.

Årsmeldinga er eit viktig dokument til å dokumentere aktivitet i Ulstein kyrkje med ord og bilde, årsmelding hjelper oss til å reflektere over arbeidet vårt og kan gi oss impuls til vidare utvikling.

Årsmeldinga er saman med rekneskapen grunnlagsdokumentet for å kunne arrangere årsmøtet.

Gjennom årsmeldinga gir vi også samarbeidspartnarar og andre eit innblikk i kven Ulstein kyrkjelyd er, og kva vi står for.

Det har blitt ein tradisjon at eit samandrag av årsmeldinga blir presentert på eit kommunestyremøtet.

For det nyvalde soknerådet vil årsmeldinga også vere eit verdifullt grunnlagsdokument for styring og arbeid i utval.

Årsmeldinga er ikkje heilt ferdigstilt med tanke på layout, bildebruk og korrekturlesing. Årsmeldinga skal vedtakast i Ulstein sokneråd.

HANDSAMING

Å starte årsmeldinga med solskinnshistorier er eit flott grep.

Vi bør finne eit anna tittelbilde, og det bør vere generelt litt fleire gladbilde

Ei slik årsmelding bør distribuerast breidt, leggjast ut, gjerast kjent mykje meir enn tidlegare.

Innhald frå årsmeldinga bør brukast til marknadsføring av Ulstein kyrkje sitt arbeid

Linda Hasund tek på seg korrekturlesing

VEDTAK

Ulstein sokneråd vedtek årsmeldinga slik den ligg føre og ber administrasjonen om å innarbeide innspel før ferdigstilling.

Ulstein sokneråd ønskjer at årsmeldinga blir brukt aktivt i informasjons- og marknadsføringsarbeid i Ulstein sokn.

S-SAK 2024/09 Oppfølging felles møte sokneråd og stab

UTGREIING

Vedlegg:

Samandrag av Cafédialog på felles møte

4 sider frå boka om frivillighet Margit brukte under innlegget sitt: En god frivillighetskultur

Det er viktig at vi tek oss tid til å halde fram i samtalen kring tema frivillighet. Vi treng ei fornya satsing på frivillighet og eit meir bevisst arbeid med frivillighetskultur i kyrkjelyden.

Det er behov for ad- hoc- oppgåver, men ei fornya satsing på frivillighet treng også å vere ein invitasjon til å gi rom for engasjement som veks frem av medlemmane.

ulike arena for frivillighet kan vekse frem også utanom gudsteneste. Døme på dette kan vere: dugnadskveld, berre for å ha det kjekt- kveld

Frivilligheten kan skje både gjennom uformelle arena og formelle arena

«Whats in it for me?» må vi sjå saman med «Korleis kan dette bidra til fellesskapen?»

Eit viktig spørsmål er også: Kor stor er tilhørighetsfølelsen til kyrkja i forhold til andre felleskapsarena?

For å jobbe meir målretta med frivilligheten må vi legge opp til gode strategiske prioriteringar. Frivillighetssatsinga bør gi nokre styringssignal mot planlegging av haustsemesteret. Vi treng å bli samde om nokre konkrete ting vi ønskjer å ta vidare.

Frivillighet er eit tema vi må jobbe langs med. Vi treng å ha litt is i magen, for at dette er ei litt større satsingsområde

Kan vi gi utfordring til dei ulike utval om å ha frivillighet som tema?

Vi treng ikkje nødvendigvis eit vedtak denne gongen, men vi treng å halde samtalen i gang.

FRAMLEGG TIL VEDTAK

Saka blir lagt fram utan framlegg til vedtak.

HANDSAMING

Den gode dialogen vi starta på fellesmøte om eit viktig tema bør halde fram slik at det blir noko kokret ut av det.

VEDTAK

Ulstein sokneråd utfordrer Arbeidsutvalet for sokneråd om å lage planer om korleis vi skal bruke saka vidare.

S-SAK 2024/10 Oppnemning av utval

UTGREIING

Nokre utval har kome i gang, andre er framleis i rekrutteringsfasen.

- Kva utval har kome i gang?
- Kva utval har funne medlemar?
- Kva utval kan oppnemnast?

Undervisning er i gang – har nytt møte neste veke

Vedlikehaldsutval – møte den 18.03. har nokre prosjekt på gang – det største er våpenhuset

Gudstenesteutval – kjem i gang om kort tid, konkret plan for gudsteneste hausten 2024

Diakoniutval – tysdag, kjem i gang.

FRAMLEGG TIL VEDTAK

Saka blir lagt fram utan framlegg til vedtak.

HANDSAMING

Det er godt at mange utval har kome i gang og vil bli viktige reiskap til å utvikle kyrkjelydsarbeid vidare.

Til sommaren bør alle utval har kome i gang og ha jobba med forslag til mandat og personar som skal oppnemnast.

VEDTAK

Ulstein sokneråd vil oppnemne utval i sitt møte i juni. Både samansetting og mandat skal vere plass.

S-SAK 2024/11 Salmer på Pøbb

UTGREIING

Vedlegg:

Forespørsel frå Torsdagskveldkomiteen om økonomisk garanti for å arrangere «Salmer på pøbb».

Arrangementsomtale Salmer på pøbb

Eit konsept som ser ut til å trekke folk og som kan vere ein fin mulighet å kome på ein arena kyrkja til vanleg ikkje er så ofte å finne.

Er det noko Ulstein sokneråd vi støtte?

Det inneber ein økonomisk risiko som soknerådet også treng å ta stilling til.

FRAMLEGG TIL VEDTAK

Saka blir lagt fram utan framlegg til vedtak.

HABILITETSVURDERING

Cecilie og mannen til sokneprest og kona til Øyvind Hagen sitter i utval for torsdagskveldene. Dei avstår frå røysting

HANDSAMING

Kostnad vi treng å garantere for: 45.000 + reise, kost og losji – altså 55.000

Maks. 180 solgte billetter (45.000), 120 realistisk (30.000)

Billettprisen? 250? 200?

Kaffibaren stiller garanti med 12.000

Ulstein KFUK-KFUM (er positiv) 21.500

Ulstein sokn 21.500

Innhaldsmessig vil ein slik kveld vere ei viktig satsing, men vi må vere klar over at ikkje alle synst det er ein god idé.

Det hadde vore flott å få noko stønad frå kommunale kulturmidlar til slik ei stor hending.

Det kan også kome økonomisk spørsmål

VEDTAK

Ulstein sokneråd er positivt til å vere medarrangør for denne konsertkvelden, og tek sin del av garantisummen (kr. 21.500)

Arrangør bør minske risikoen ved å søke støttemidlar og sørge for overkommelege billettprisar.

S-SAK 2024/12 Planlegging av årsmøtet for Ulstein sokn

UTGREIING

14. april blir ein festdag i Ulstein kyrkja. På gudstenesta blir Mari Ann satt inn i diakoniteneste i Ulstein kyrkje, prosten vil vere til stades, og vi markerer avskjed med Inge Kaldhol som var klokkar i Ulstein i over 40 år. Dette vil også setje preg på kyrkjekaffen og årsmøtet som er i forlenging av kyrkjekaffi.

For årsmøtedelen treng vi ein plan på korleis vi vil presentere hovudtrekk frå årsmeldinga, korleis vi vil legge opp til samtale, men også praktiske spørsmål kring kyrkjekaffen treng vi å Organisere / fordele.

FRAMLEGG TIL VEDTAK

Saka blir lagt fram utan framlegg til vedtak.

HANDSAMING

Vi lager ein liten «festkomité» saman med kyrkjeverjen.

Silje, Beate, Berge og Odd Arne skal setje saman programmet for gjennomføring.

Kyrkjekaffi – Cecilie tek hovudansvar for det praktiske med servering.

Alle må vere innstilt til å få ei oppgåve

VEDTAK

Ulstein sokneråd ber Silj, Beate, Berge, Odd Arne og Christfried om å lage programmet og Cecilie om å organisere servering og fordele oppgåver med matlevering.